





(3) Osnovica iz stava (1) ovog člana ne može biti veća od dogovorene osnovice utvrđene na federalnoj razini.

(4) Osnovica za obračun plaće usklađivat će se sa odredbama Zakona o budžetima u Federaciji Bosne i Hercegovine, odnosno sa raspoloživim sredstvima za ove namjene predviđenim u budžetu.

(5) Ukoliko Gradonačelnik i sindikat ne donesu sporazum iz stava (1) ovog člana primjenjivat će se osnovica utvrđena na federalnoj razini.

### **Član 8.**

#### **(Elementi za utvrđivanje osnovne plaće)**

(1) Osnovna plaća se utvrđuje množenjem osnovice za plaću utvrđenu na način iz člana 7. ove Odluke, sa utvrđenim koeficijentom platnog razreda.

(2) Utvrđeni iznos iz prethodnog stava uvećava se za 0,6% za svaku započetu godinu penzijskog staža zaposlenika iz člana 1. ove Odluke, a najviše do 20%.

(3) Osnovna plaća ne može biti manja od 70% prosječne neto plaće isplaćene u Federaciji Bosne i Hercegovine prema posljednjem objavljenom statističkom podatku u protekla tri mjeseca, a utvrđuje se množenjem osnovice za plaću sa koeficijentom najnižeg platnog razreda.

(4) Osnovna plaća obračunava se i iskazuje mjesečno za puno radno vrijeme, prema radnom mjestu i odgovarajućem platnom razredu.

(5) Ukoliko zaposlenik radi sa nepunim radnim vremenom, u skladu sa posebnim zakonom ili drugim propisima osnovna plaća odredit će se srazmjerno vremenu provedenom na radu.

(6) Puno radno vrijeme zaposlenih iznosi 40 sati sedmično.

### **Član 9.**

#### **(Gramatička terminologija)**

Gramatička terminologija korištenja muškog ili ženskog spola podrazumijeva uključivanje oba spola.

## **DIO DRUGI – PLAĆE I NAKNADE**

### **POGLAVLJE I – Plaće i naknade Gradonačelnika, Gradskog pravobranioca, zamjenika Gradskog pravobranioca i savjetnika Gradonačelnika**

### **Član 10.**

#### **(Vrijeme ostvarivanja prava na plaću)**

(1) Gradonačelnik, Gradski pravobranilac, zamjenik Gradskog pravobranioca i savjetnik Gradonačelnika imaju pravo na plaću.

(2) Gradonačelnik pravo na plaću ostvaruje danom potvrđivanja izbora.

(3) Gradski pravobranilac i zamjenik Gradskog pravobranioca pravo na plaću ostvaruje danom stupanja na dužnost.

(4) Savjetnici Gradonačelnika pravo na plaću ostvaruju danom postavljenja na radno mjesto.

### **Član 11.**

#### **(Platni razredi i koeficijenti za Gradonačelnika, Gradskog pravobranioca, zamjenika Gradskog pravobranioca i savjetnika Gradonačelnika)**

Platni razredi i koeficijenti za Gradonačelnika, Gradskog pravobranioca, zamjenika Gradskog pravobranioca i savjetnika Gradonačelnika utvrđeni su Aneksom 1. ove Odluke koji je sastavni dio iste.

### **Član 12.**

#### **(Plaća i dodaci)**

(1) Osnovna plaća Gradonačelnika, Gradskog pravobranioca, zamjenika Gradskog pravobranioca i savjetnika Gradonačelnika utvrđuje se prema članu 8. ove Odluke.

(2) Gradonačelnik ima pravo na položajni dodatak na ime povećanih materijalnih troškova u obavljanju svoje dužnosti u iznosu 20% od osnovne plaće.

(3) Gradski pravobranilac i zamjenik Gradskog pravobranioca ima pravo na dodatak na plaću po osnovu posebnih zakona u iznosu 20% od osnovne plaće.

(4) Dodatak iz stava (2) i (3) ovog člana obračunava se na osnovnu plaću bez dijela plaće po osnovu radnog staža, i čini sastavni dio plaće.

### **Član 13.**

#### **(Naknade)**

Gradonačelnik, Gradski pravobranilac, zamjenik Gradskog pravobranioca i savjetnik imaju pravo na naknade utvrđene u odredbama člana 11. do 17. Zakona o plaćama i naknadama u organima vlasti Unsko-sanskog kantona (naknada plaće zbog bolesti ili povrede, naknada plaće za troškove ishrane-topli obrok, naknada za smještaj

u mjestu rada, naknada za godišnji odmor i plaćeni dopust, naknada za slučaj smrti, teške bolesti i invalidnosti, otpremnina prilikom odlaska u penziju i naknada troškova za službena putovanja).

## **POGLAVLJE II. Plaće i naknade državnih službenika, namještenika i radnika**

### **Odjeljak A. Osnovna plaća**

#### **Član 14.**

##### **(Određivanje plaće prema radnim mjestima)**

Državni službenik, namještenik i radnik (u daljem tekstu: zaposlenik) imaju pravo na plaću koja odgovara radnom mjestu na koje je zaposlenik postavljen.

#### **Član 15.**

##### **(Bruto i neto plaća)**

(1) Plaća zaposlenika utvrđuje se u bruto i neto iznosu.

(2) Plaća u bruto iznosu obuhvaća neto plaću, poreze i doprinose.

#### **Član 16.**

##### **(Platni razredi i koeficijenti državnih službenika)**

Platni razredi i koeficijenti za državne službenike utvrđeni su Aneksom 2. ove Odluke koji je sastavni dio iste.

#### **Član 17.**

##### **(Platni razredi i koeficijenti za namještenike)**

Platni razredi i koeficijenti za namještenike utvrđeni su Aneksom 3. ove Odluke koji je sastavni dio iste.

#### **Član 18.**

##### **(Platni rezredi i koeficijenti za radnike)**

Platni razredi i koeficijenti za radnike utvrđeni su Aneksom 4. ove Odluke koji je sastavni dio iste.

### **Odjeljak B. Dodaci na plaću, način obračuna i isplata plaće**

#### **Član 19.**

##### **(Vrste dodataka na plaću)**

(1) Zaposlenik ima pravo na dodatak na plaću koji su utvrđeni u odredbama člana 22. i 23. Zakona o plaćama i naknadama u organima vlasti Unsko-sanskog kantona.

(2) Utvrđivanje visine dodatka na plaću iz stava (1) ovog člana po osnovu posebnih zakona i drugih propisa propisat će se Pravilnikom o plaćama i naknadama gradskih organa vlasti u skladu sa kriterijima utvrđenim u kolektivnom ugovoru.

#### **Član 20.**

##### **(Način obračuna i isplata plaće)**

(1) Plaća se obračunava za jedan mjesec unatrag i isplaćuje za prethodni mjesec.

(2) Plaća iz stava (1) ovog člana utvrđuje se rješenjem kojeg donosi rukovodilac gradskog organa.

(3) Rješenje sadrži: osnovne podatke zaposlenika, radno mjesto na koje je postavljen, platni razred i sve elemente koji su uzeti u obzir za utvrđivanje visine plaće.

(4) Podaci o plaćama zaposlenika su javni.

(5) Sve izmjene o visini plaće vrše se rješenjem kojeg donosi rukovodilac gradskog organa.

(6) Protiv rješenja iz stava (2) i (5) ovog člana može se izjaviti žalba u roku od 8 dana od dana prijema rješenja Odboru državne službe za žalbe.

(7) Zaposlenik koji nije zadovoljan konačnom odlukom po žalbi ima pravo da u roku od 30 dana traži zaštitu svojih prava pred nadležnim sudom.

### **Odjeljak C. Plaće za pripravnike i naknade za volontere**

#### **Član 21.**

##### **(Visina plaće za pripravnike)**

(1) Plaća pripravnika visoke (180 ECTS i 240 ECTS), više i srednje stručne spreme u organima državne službe utvrđuje se u iznosu, i to:

- a) za visoku školsku spremu u iznosu 80% od početne osnovne plaće utvrđene za radno mjesto stručnog saradnika;
- b) za višu školsku spremu u iznosu 80% od početne osnovne plaće utvrđene za radno mjesto samostalnog referenta;
- c) za srednju stručnu spremu u iznosu 80% od početne osnovne plaće utvrđene za radno mjesto referenta;

(2) Visina plaće iz stava (1) ovog člana određuje se od osnovne plaće odgovarajuće školske spreme.

**Član 22.****(Visina naknade za volontere)**

(1) Volonteri visoke (180 ECTS i 240 ECTS), više i srednje stručne spreme u organima državne službe imaju pravo na naknadu, i to:

- a) za visoku školsku spremu u iznosu 35% od osnovne plaće utvrđene za radno mjesto stručnog saradnika;
- b) za višu školsku spremu u iznosu 35% od osnovne plaće utvrđene za radno mjesto samostalnog referenta;
- c) za srednju stručnu spremu u iznosu 35% od osnovne plaće utvrđene za radno mjesto referenta;

(2) Visina naknade iz stava (1) ovog člana određuje se od osnovne plaće odgovarajuće školske spreme.

**Odjeljak D. Naknade****Član 23.****(Vrste naknada)**

Zaposlenik ima pravo na naknade utvrđene u odredbama čl. 25. do 37. Zakona o plaćama i naknadama u organima vlasti Unsko-sanskog kantona (naknada za prekovremeni rad, rad u neradne dane, noćni rad i rad u dane državnih praznika, plaćeni dopust, naknada za ishranu tokom rada, regres za godišnji odmor, naknada za bolovanje, naknada za porodiljski dopust, naknada za službeno putovanje, naknada za prijevoz na posao i s posla, naknada za slučaj povrede na radu, teške bolesti i invalidnosti, naknada za slučaj smrti i pravo na osiguranje od posljedica nesretnog slučaja, otpremnina, naknada u slučaju prekobrojnosti i naknada za rad u komisijama i druge naknade).

**Član 24.****(Postupak za ostvarivanje prava na naknade)**

(1) Pravo na naknade ostvaruju se donošenjem rješenja.

(2) Rješenje donosi rukovodilac gradskog organa.

(3) Protiv rješenja iz stava (1) ovog člana može se izjaviti žalba u roku od 8 dana od dana prijema rješenja Odboru državne službe za žalbe.

(4) Zaposlenik koji nije zadovoljan konačnom odlukom po žalbi ima pravo da u roku od 30 dana traži zaštitu svojih prava pred nadležnim sudom.

(5) Visina i način ostvarivanja prava na naknade, utvrdit će se Pravilnikom o plaćama i naknadama u gradskim organima.

**Član 25.****(Pravilnik o plaćama i naknadama)**

(1) Rukovodilac gradskog organa dužan je donijeti pravilnik o plaćama i naknadama u skladu sa odredbama ove Odluke, Pravilnika o unutrašnjoj organizaciji i Kolektivnim ugovorom.

(2) Pravilnik iz stava (1) ovog člana donosi se uz pribavljeno mišljenje sindikata.

**DIO TREĆI - KAZNENE ODREDBE I NADZOR NAD PRIMJENOM ODLUKE****Član 26.****(Novčane kazne)**

Novčanom kaznom u iznosu od 500 KM do 2.000 KM kaznit će se za prekršaj rukovodilac gradskog organa:

- a) ako ne odredi plaću za radno mjesto na koje je zaposlenik postavljen (član 8. ove Odluke),
- b) ako odredi dodatak na plaću po osnovu uslova rada suprotno odredbama člana 19. ove Odluke,
- c) ako ne donese rješenje o plaći ili rješenje o promjeni visine plaće (član 20. ove Odluke),
- d) ako odredi naknade suprotno članu 24. ove Odluke,
- e) ako ne donese pravilnik o plaćama i naknadama (član 25. ove Odluke).
- f) ako utvrdi druge naknade (stimulacije) koje nisu obuhvaćane odredbama člana 23. ove Odluke.

**Član 27.****(Nadzor nad primjenom Odluke)**

Nadzor nad primjenom ove Odluke vrši Gradonačelnik putem nadležnih službe i organa.

**DIO ČETVRTI – PRELAZNE I ZAVRŠNE ODREDBE****Član 28.****(Rok za donošenje pravilnika o plaćama i naknadama)**

Rukovodilac gradskog organa dužan je donijeti pravilnik o plaćama i naknadama u roku od 60 dana od dana stupanja na snagu ove Odluke.

**Član 29.**

Zaposlenik koji do stupanja na snagu ove Odluke, nije ostvario pravo na naknadu iz člana 35. stav (2) Odluke o plaćama i naknadama zaposlenika općinskih organa uprave Općine Bihać, može to pravo ostvariti po odredbama ove Odluke.

**Član 30.****(Prestanak primjene)**

(1) Odluka o plaćama i naknadama zaposlenika općinskih organa Općine Bihać ("Službeni glasnik Općine Bihać", broj 15/12) prestaje sa primjenom 01.07.2016. godine.

(2) Odredbe Odluke o osnivanju Općinskog pravobranilaštva ("Službeni glasnik Općine

Bihać", br: 4/98 i 6/06), a koje se odnose na plaće i naknade Općinskog pravobranioca i zamjenika Općinskog pravobranioca prestaju sa primjenom 01.07.2016. godine.

**Član 31.****(Stupanje na snagu)**

Ova Odluka stupa na snagu osmog dana od dana objavljivanja u Službenom glasniku Grada Bihaća, a primjenjivat će se od 01.07.2016. godine.

Broj: GV-02-3365/16  
19. maja 2016. godine  
B i h a ć

Zamjenica predsjedavajućeg  
Gradskog vijeća  
Amra Čehajić, s.r.

**ANEKS 1.**

Platni razredi gradonačelnika, gradskog pravobranioca, zamjenika gradskog pravobranioca i savjetnika gradonačelnika:

Platni razred	Radno mjesto	Koeficijent
I	Gradonačelnik	9,80
II	Gradski pravobranilac	7,60
III	Zamjenik gradskog pravobranioca	7,00
IV	Savjetnik gradonačelnika	6,40

**ANEKS 2.**

Platni razredi i koeficijenti za državne službenike:

Platni razred	Radno mjesto	Koeficijent
I	- sekretar GV-a	6,50
II	- sekretar Gradskog organa uprave	6,20
III	- načelnik službe	5,70
IV	- šef službe koja u svom sastavu nema unutrašnje organizacione jedinice	5,20
V	- šef Kabineta gradonačelnika	4,85
VI	- šef Odsjeka - starješina Vatrogasne jedinice	4,50
VII	- inspektor - stručni savjetnik –interni revizor	4,30
VIII	- stručni savjetnik	4,10
IX	- viši stručni saradnik	3,90
X	- stručni saradnik	3,50

**ANEKS 3.**

Platni razredi i koeficijenti za namještenike:

Platni razred	Radno mjesto	Koeficijent
I	- šef Odsjeka	3,20
II	- viši samostalni referent	3,10
III	- samostalni referent	3,00
IV	- viši referent (SSS)	2,70
V	- referent (SSS)	2,60

**ANEKS 4.**

Platni razredi i koeficijenti za plaće radnike:

Platni razred	Radno mjesto	Koeficijent
I	- viši referent (SSS) - VKV radnik	2,70
II	- referent (SSS) - KV radnik	2,60
III	- pomoćni radnik - nekvalifikovani radnik (NK radnik)	1,85

**149.**

Na osnovu člana 5. stav 3. a u vezi sa članom 28. stav 3. Zakona o koncesijama ("Službeni glasnik Unsko-sanskog kantona" broj 10/03, 7/09 i 19/13) i člana 35. tačka gg) Statuta Grada Bihaća ("Službeni glasnik Grada Bihaća" broj 13/2015), Gradsko vijeće Bihać, na 23. sjednici održanoj dana 19.05.2016. godine, donosi

**ODLUKU**

**O DAVANJU SAGLASNOSTI NA PRENOS  
UGOVORA O KONCESIJI ZA  
ISTRAŽIVANJE I EKSPLOATACIJU  
KREČNJAKA NA LEŽIŠTU "PRITOKA" SA  
PRIVREDNOG DRUŠTVA "IKIĆ-COMERC"  
D.O.O. BIHAĆ NA PRIVREDNO DRUŠTVO  
"ČIKI COMPANY" D.O.O. BIHAĆ**

**I**

Daje se saglasnost Vladi Unsko-sanskog kantona, Ministarstvu privrede, za prenos Ugovora

o koncesiji broj: KU 053/2015 od 11.08.2015. godine za istraživanje i eksploataciju krečnjaka na ležištu "Pritoka" Grad Bihać sa privrednog društva "IKIĆ-COMERC" d.o.o. Bihać na privredno društvo "ČIKI company" d.o.o. Bihać.

**II**

Saglasnost iz tačke I ove Odluke daje se pod uvjetom da Ministarstvo privrede kao koncesor, novim ugovorom reguliše da sve eventualne ranije a neizmirene obaveze prethodnog koncesionara po pitanju plaćanja naknada za iskopanu mineralnu sirovinu preuzima novi koncesionar u skladu sa Zakonom o koncesijama.

**III**

Ova Odluka stupa na snagu osmog dana od dana objavljivanja u Službenom glasniku Grada Bihaća.

Broj: GV-02-3366/16  
19. maja 2016. godine  
B i h a ć

Zamjenica predsjedavajućeg  
Gradskog vijeća  
Amra Čehajić, s.r.





**II**

Utvrđuje se da je JP Elektroprivreda BiH d.d. Sarajevo, Podružnica "Elektrodistribucija" Bihać, korisnik eksproprijacije zemljišta iz tačke I ove Odluke.

**III**

Protiv ove Odluke se može pokrenuti upravni spor podnošenjem tužbe Kantonalnom sudu u Bihaću u roku od 30 dana od dana prijema ove Odluke. Tužba se podnosi neposredno sudu.

Broj: GV-31-3368/16 Zamjenica predsjedavajućeg  
19. maja 2016. godine Gradskog vijeća  
Bihać Amra Čehajić, s.r.

**152.**

Na osnovu člana 55. stav 2. Zakona o građevinskom zemljištu Federacije Bosne i Hercegovine ("Službene novine Federacije Bosne i Hercegovine", broj: 25/03, 16/04 i 67/05)) i člana 35. tačka c) Statuta Grada Bihaća ("Službeni glasnik Grada Bihaća", br.13/15) Gradsko vijeće Bihać na 23. sjednici održanoj dana 19.05.2016. godine, donosi

**ODLUKU**

**O IZMJENI ODLUKE O USTANOVLJENJU PRAVA STVARNIH SLUŽNOSTI NA GRAĐEVINSKOM ZEMLJIŠTU RADI IZGRADNJE ZRAČNOG DV 10(20)KV ZA ST 10(20)/0,4 KV "ZAVALJE 2" SA UPOTREBOM UNIVERZALNOG KABLA AXCES 3X70/16 MM2, IZMJEŠTANJE STS-B 10(20)/0,4 "ZAVALJE 1" I IZGRADNJA STS-B 10(20)/0,4 KV "ZAVALJE 2" U NASELJU ZAVALJE GRAD BIHAĆ PO ZAHTJEVU JP ELEKTROPRIVREDA BOSNE I HERCEGOVINE D.D. SARAJEVO PODRUŽNICA "ELEKTRODISTRIBUCIJA" BIHAĆ.**

**I**

U Odluci o ustanovljenju prava stvarnih služnosti na građevinskom zemljištu radi izgradnje zračnog DV 10(20)kV za ST 10(20)/0,4 kV "Zavalje 2" sa upotrebom univerzalnog kabla AXCES 3x70/16 mm2, izmještanje STS-B 10(20)/0,4 "Zavalje 1" i izgradnja STS-B 10(20)/0,4 kV "Zavalje 2" u naselju Zavalje grad Bihać ("Službeni glasnik Grada Bihaća", broj:15/15) u tački I. dio teksta koji se odnosi na katastarske oznake se mijenja i glasi:

- riječ k.č. br. 1508" zamjenjuje se riječima "k.č. br.1058" i riječ "k.o. Bihać-grad" zamjenjuje se riječima "k.o. Zavalje".

**II**

Protiv ove Odluke može se pokrenuti upravni spor podnošenjem tužbe Kantonalnom sudu u Bihaću u roku od 30 dana od dana dostavljanja ove Odluke. Tužba se podnosi neposredno sudu.

Broj: GV-31-3369/16 Zamjenica predsjedavajućeg  
19. maja 2016. godine Gradskog vijeća  
Bihać Amra Čehajić, s.r.

**153.**

Na osnovu člana 12. stav (3) tačka c) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona" broj 8/11) i člana 35. tačka h) Statuta Grada Bihaća ("Službeni glasnik Grada Bihaća" broj 13/15) Gradsko vijeće Bihać, na 23. sjednici održanoj dana 19.05.2016. godine, donosi

**PROGRAM****POTICAJA PRIVREDI ZA 2016. GODINU****I UVODNE NAPOMENE**

Programom poticaja privredi za 2016. godinu Grad Bihać nastoji razvijati lokalnu ekonomiju s ciljem povećanja zaposlenosti, kao i rast investiranja na području grada Bihaća, te općenito doprinijeti razvoju poduzetničke svijesti među mladim i nezaposlenim osobama na području grada Bihaća.

U skladu sa Zakonom o poticaju razvoja male privrede ("Službene novine Federacije BiH" broj 19/06) kojim se uređuje planiranje, osiguranje sredstava i provedba mjera razvoja male privrede u Federaciji BiH, u Budžetu Grada Bihaća za 2016.godinu planirano je 568.000,00 KM za poticaj razvoja privrede i poljoprivrede, od čega je za generalne poticaje, turizam i poduzetništvo predviđeno 168.000,00 KM.

Sredstva za poticaje razvoja privrede mogu ostvariti fizička i pravna lica koja registriraju djelatnost na području grada Bihaća (trgovina i ugostiteljstvo samo pod tač. 4.5) u Službi za opću upravu, privredne i društvene djelatnosti Grada Bihaća, ili kao društvo sa ograničenom odgovornošću - d.o.o. u Općinskom sudu Bihać i to za 2016. godinu.

Cilj programa je:

- povećati broj i održivost obrtničkih radnji i preduzeća-d.o.o.
- razvoj poduzetničke svijesti među mladim i nezaposlenim ljudima
- povećati broj zaposlenih osoba na području grada Bihaća
- povećati obim investicija
- doprinijeti razvoju ukupne lokalne ekonomije.

### 1. Podaci o Programu

Program poticaja privredi za 2016.godinu sa kriterijima raspodjele temelji se na odobrenim sredstvima za ovu namjenu u Budžetu Grada Bihaća za 2016. godinu sa pozicije TG za privredu i turizam.

### 2. Period realizacije Programa

Sredstva namijenjena za poticaj razvoja privrede na području grada Bihaća bit će realizirana u periodu od 01.01. do 31.12.2016. godine.

### 3. Ukupna vrijednost Programa

568.000,00 (pet stotina šezdeset osam hiljada 00/100) KM, od čega je za generalne poticaje, turizam i poduzetništvo predviđeno 168.000,00 KM (stotinu šezdeset osam hiljada 00/100) KM.

### 4. Namjena Programa

- 4.1. Sufinansiranje kamatne stope poduzetnicima na području grada Bihaća;

4.2. Refundacija troškova osnivanja obrtničkih radnji (osim trgovina i ugostiteljskih radnji) i dijela troškova osnivanja preduzeća-d.o.o. u 2016.godini;

4.3. Realizacija Projekta “Pokreni svoj posao u Bihaću”;

4.4. Sufinansiranje dijela troškova zakupa poslovnog prostora obrtničkim radnjama (osim trgovina i ugostiteljskih radnji) i preduzećima – d.o.o. koji registriraju djelatnost i firmu na području grada Bihaća;

4.5. Sufinansiranje razvojnih projekata poduzetništva u zoni Nacionalnog parka “Una”;

4.6. Sufinansiranje učešća privrednika grada Bihaća na privrednim manifestacijama;

4.7. Sufinansiranje promocije starih tradicionalnih zanata i obrta;

4.8. Sufinansiranje promotivno-privrednih manifestacija (Zlatne ruke grada Bišća, Trahanijada, Festival folklor Dijaspore i dr.).

### 5. Korisnici Programa

Obrtničke radnje (trgovina i ugostiteljstvo samo pod tač. 4.5) i preduzeća-d.o.o. registrirana na području grada Bihaća.

### 6. Izvor sredstava

Budžet Grada Bihaća za 2016.godinu, pozicija TG za privredu i turizam, ekonomski kod: 614300 (“Službeni glasnik Grada Bihaća” broj 15/2015).

## II VRSTE I NAČIN OSTVARIVANJA POTICAJA

R/br.	Naziv poticaja	Planirana sredstva/ KM
1.	Sufinansiranje kamatne stope poduzetnicima na području grada Bihaća;	35.000,00
2.	Refundacija troškova osnivanja obrtničkih radnji (osim trgovina i ugostiteljskih radnji) i dijela troškova osnivanja preduzeća-d.o.o. u 2016.godini;	15.000,00
3.	Realizacija Projekta “Pokreni svoj posao u Bihaću”;	30.000,00
4.	Sufinansiranje dijela troškova zakupa poslovnog prostora obrtničkim radnjama (osim trgovina i ugostiteljskih radnji) i preduzećima – d.o.o. koji registriraju djelatnost i firmu na području grada Bihaća;	15.000,00
5.	Sufinansiranje razvojnih projekata poduzetništva u zoni Nacionalnog parka “Una”;	30.000,00
6.	Sufinansiranje učešća privrednika grada Bihaća na privrednim manifestacijama;	5.000,00

R/br.	Naziv poticaja	Planirana sredstva/ KM
7.	Sufinansiranje promocije starih tradicionalnih zanata i obrta;	30.000,00
8.	Sufinansiranje promotivno-privrednih manifestacija (Zlatne ruke grada Bišća, Trahanijada, Festival folkloru Dijaspore i dr.);	8.000,00
	<b>U K U P N O :</b>	<b>168.000,00</b>

### **1. Sufinansiranje kamatne stope poduzetnicima na području grada Bihaća - 35.000,00 KM.**

1.1. Kriteriji za sufinansiranje kamatne stope poduzetnicima na području grada Bihaća

Grad Bihać će preuzeti finansiranje dijela uplaćenih kamata u maksimalnom iznosu do 35.000,00 KM (slovima: trideset pet hiljada konvertibilnih maraka i 00/100), raspoređen na dva jednaka polugodišta, čime će maksimalni iznos sredstava po jednom korisniku biti 3.000,00 KM (slovima: tri hiljade konvertibilnih maraka i 00/100).

Pri utvrđivanju iznosa godišnjeg poticaja-regresiranog dijela uplaćene kamate-primjenjivat će se stopa do visine 3 procentna apoena za proizvodne djelatnosti, do 2 procentna apoena za ostale registrovane djelatnosti.

Krediti u duhu ovog poticaja su krediti odobreni ili se realiziraju od komercijalnih banaka registrovanih poslovnica u Bihaću:

- maksimalne ugovorene kamatne stope 8,0 %,
- maksimalni troškovi obrade kredita 1%,
- maksimalni period otplate 10 godina.

Na ovu vrstu poticaja imaju pravo privredni subjekti koji:

- po odobrenom kreditu uredno servisiraju obaveze (kamata i glavnica);
- uredno izmiruju obaveze po osnovu direktnih i indirektnih poreza, prema poreznoj upravi i fondovima (PIO/MIO, zdravstvenog osiguranja) ili ugovorom reprogramiralo iste;
- nemaju neizmirenih finansijskih obaveza prema budžetu Grada Bihaća,
- imaju aktivne žiro račune kod komercijalnih banaka.

Regresiranje kamata se neće odobriti za kredite ili dio kredita koji su namjenjeni reprogramiranju drugih kredita.

Dodjela sredstava za sufinansiranje, vršit će se nakon provedenog javnog poziva.

Javni poziv za sufinansiranje kamatne stope poduzetnicima, provodi komisija koju imenuje Gradonačelnik.

U slučaju da dva ili više privrednih subjekata budu imali isti broj bodova, prvenstvo će imati onaj poduzetnik koji je ranije podnio prijavu na javni poziv.

Ovaj vid poticaja će biti realiziran u periodu maj-juni tekuće godine.

#### 1.2. Proceduralne radnje/postupanje po zahtjevu

Po uredno zaprimljenom zahtjevu ocjenu i mišljenje na osnovu uvjeta dat će komisija imenovana od strane Gradonačelnika, poštujući hronologiju prijema na protokolu Grada.

Pravo na poticaj sufinansiranja kamatne stope poduzetnicima na području grada Bihaća imaju poduzetnici koji ispunjavaju navedene uvjete i to do iznosa ukupno predviđenih raspoloživih sredstava od 35.000,00 KM (kao što je navedeno, poštujući hronologiju prijema zahtjeva na protokolu Grada).

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

U slučaju da komisija ocijeni da nisu ispunjeni svi uvjeti za odobravanje sredstava-regresa, Služba za opću upravu, privredne i društvene djelatnosti (u daljem tekstu: Služba) kod neispunjenja uvjeta i kriterija donosi obavijest koju prosljeđuje podnosiocu zahtjeva.

Na osnovu izvještaja o ocjeni i mišljenja komisije Služba će predložiti Gradonačelniku donošenje zaključka o odobravanju regresiranja kamata za svaki slučaj pojedinačno.

### 1.3. Sadržaj zahtjeva

Uz pismeni zahtjev za refundiranje dijela kamata privredni subjekt dostavlja original ili ovjerenu kopiju:

- Rješenje o upisu subjekta upisa u sudski registar sa posljednjim promjenama;
- Uvjerenje o izmirenju ili ugovor o reprogramiranju obaveza po osnovu poreza od Uprave za indirektno oporezivanje - ne starije od 60 dana, računajući od dana podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu poreza od Porezne uprave - ne starije od 60 dana, računajući od dana podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu doprinosa od PIO - ne starije od 60 dana, računajući od dana podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu doprinosa od Zavoda za zdravstveno osiguranje - ne starije od 60 dana, računajući od dana podnošenja zahtjeva;
- Uvjerenja komercijalne banke da je žiro račun aktivan posljednjih 90 dana - ne starije od 30 dana, računajući od dana podnošenja zahtjeva;
- Ugovor o kreditu komercijalne banke;
- Plan otplate kredita;
- Potvrdu od komercijalne banke sa iznosom ukupno uplaćene kamate u predviđenom periodu.

## **2. Refundacija troškova osnivanja obrtničkih radnji (osim trgovina i ugostiteljskih radnji) i dijela troškova osnivanja preduzeća- d.o.o. u 2016. godini – 15.000,00 KM.**

### 2.1. Kriteriji za refundaciju troškova

Na ovaj način refundiraju se troškovi osnivanja obrtničkih radnji (osim trgovina i ugostiteljskih radnji) i dio troškova osnivanja preduzeća – d.o.o. u 2016. godini. Kroz ovaj poticaj nastoji se povećati broj i održivost preduzeća/obrta na području grada Bihaća, doprinijeti razvoju poduzetničke svijesti, te povećati broj zaposlenih na području našeg grada.

Pravo na poticaj imaju fizička i pravna lica koja registriraju djelatnost i osnuju firmu kao obrtničku radnju (osim trgovina i ugostiteljskih radnji) ili kao društvo sa ograničenom odgovornošću – d.o.o. na području grada Bihaća u 2016. godini.

Refundacija troškova osnivanja firme ne odnosi se na osnivački kapital već na troškove notarske obrade dokumenata, sudske i administrativne takse, te izradu pečata firme.

### 2.2. Sadržaj zahtjeva

Za ostvarivanje poticaja potrebno je uz zahtjev dostaviti slijedeću dokumentaciju (original ili ovjerene kopije):

- rješenje o registraciji društva sa ograničenom odgovornošću – d.o.o. (Općinski sud u Bihaću), odnosno rješenje o registraciji obrtničke radnje (Služba za opću upravu, privredne i društvene djelatnosti Grada Bihaća) izdato u 2016. godini;
- obavještenje o razvrstavanju lica prema Klasifikaciji djelatnosti (izdato od strane Federalnog zavoda za statistiku – Kantonalni ured Bihać);
- dokaz da fizička i pravna lica koja registriraju djelatnost i osnuju firmu (kao obrt ili društvo sa ograničenom – d.o.o.) nemaju obaveza po osnovu poreza i doprinosa, odnosno da su uredno izmirili obaveze po osnovu javnih prihoda (uvjerenje Poreske uprave, uvjerenje Uprave za indirektno oporezivanje-ukoliko su PDV obveznici);
- dokazi o plaćenim taksama i troškovima u vezi registracije djelatnosti odnosno osnivanja firme (uplatnice, računi, fakture, izvodi i dr.).

### 2.3. Proceduralne radnje/postupanje po zahtjevu

Zahtjevi za refundaciju predmetnih troškova sa potrebnom dokumentacijom podnose se Službi za opću upravu, privredne i društvene djelatnosti, putem prijemne kancelarije Grada Bihaća do 31.12.2016. godine.

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

### 2.4. Način reguliranja prava i obaveza

Korisnici predmetnih poticajnih sredstava preuzimaju obavezu da po isteku godine dana od registracije obrta ili preduzeća dostave Gradu Bihaću uvjerenje o uredno izmirenim javnim

prihodima za proteklih 12 mjeseci, što će poslužiti kao referenca za buduće programe podrške od strane Grada Bihaća.

### **3. Realizacija projekta “Pokreni svoj posao u Bihaću” – 30.000,00 KM.**

#### **3.1. Kriteriji za sufinansiranje projekta “Pokreni svoj posao u Bihaću”**

Ovaj projekt će se organizirati u dva ciklusa (edukacija, pisanje biznis planova, odabir tri najkvalitetnija plana, dodjela certifikata, finansiranje troškova registracije djelatnosti i dodjela inicijalnih sredstava za pokretanje djelatnosti). Cilj projekta je davanje doprinosa razvoju poduzetničke inicijative mladim i nezaposlenim osobama. Projekt će se realizirati kroz organiziranje edukacija na temu izrade biznis/poslovnih planova. Pravo prijave na javni poziv za ovu vrstu poticaja, kao i učešće na edukacijama imaju nezaposlene osobe sa područja grada Bihać, koje se nalaze na evidenciji Službe za zapošljavanje.

Realizacija projekta podrazumijeva slijedeće aktivnosti:

- obuka za izradu biznis/poslovnih planova,
- izrada biznis/poslovnih planova na osnovu konkretnih poslovnih ideja kandidata uz stručnu pomoć konsultanata,
- dostavljanje izrađenih biznis/poslovnih planova Službi za opću upravu, privredne i društvene djelatnosti, te odabir najboljih poslovnih planova,
- dodjela certifikata,
- finansiranje troškova registracije djelatnosti i dodjela inicijalnih sredstava za pokretanje djelatnosti za najkvalitetnije poslovne planove.

Projekt će biti realiziran u periodu maj-oktobar tekuće godine.

#### **3.2. Proceduralne radnje / postupanje po zahtjevu**

Po uredno zaprimljenom zahtjevu ocjenu i mišljenje na osnovu uvjeta i kriterija utvrđenih posebnim uputstvom, dat će komisija imenovana od strane Gradonačelnika, poštujući hronologiju prijema na protokolu Grada.

Uputstvo o utrošku sredstava iz Budžeta Grada Bihaća za sufinansiranje projekta “Pokreni svoj posao u Bihaću” donosi Gradonačelnik u roku od 7 (sedam) dana od dana objavljivanja javnog poziva.

U slučaju da komisija ocijeni da nisu ispunjeni svi uvjeti za odobravanje sredstava, Služba za opću upravu, privredne i društvene djelatnosti (u daljem tekstu: Služba) kod neispunjenja uvjeta i kriterija donosi obavijest koju prosljeđuje podnosiocu zahtijeva.

Na osnovu izvještaja o ocjeni i mišljenja komisije Služba će predložiti Gradonačelniku donošenje zaključka o odobravanju sredstava za finansiranje troškova registracije djelatnosti i dodjele inicijalnih sredstava za pokretanje djelatnosti za najkvalitetnije poslovne planove za svaki slučaj pojedinačno, i to za one koji ispunjavaju navedene uvjete do iznosa ukupno predviđenih raspoloživih sredstava od 30.000,00 KM.

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

Sredstva dodijeljena po ovom programu korisnici mogu koristiti za slijedeće aktivnosti:

- osnivanje/registraciju firme,
- nabavku opreme, alata i inventara,
- uređenje unutaršnjeg poslovnog prostora/radionice,
- izradu promotivnog materijala i sl.

#### **3.3. Sadržaj zahtjeva**

Pravo prijave na javni poziv za ovu vrstu poticaja imaju nezaposlene osobe sa područja grada Bihaća koje se nalaze na evidenciji Službe za zapošljavanje-Biro rada Bihać.

Za ostvarivanje predmetnih poticaja potrebno je uz prijavu na javni poziv dostaviti i slijedeću dokumentaciju (original ili ovjerene kopije):

- dokaz da lice ima mjesto prebivališta na području grada Bihaća,
- uvjerenje da se lice nalazi na evidenciji Službe za zapošljavanje-Biro rada Bihać,
- uvjerenje da lice nema obaveza po osnovu poreza,
- biznis/poslovni plan.

#### **3.4. Način reguliranja prava i obaveza**

Odabrani korisnici preuzimaju obavezu registriranja djelatnosti/firme u roku od 60 dana od dana potpisivanja ugovora o realizaciji projekta “Pokreni svoj posao u Bihaću”.

Odabrani korisnici predmetnih poticajnih sredstava preuzimaju obavezu da, po isteku godine dana od registracije obrta ili preduzeća, dostave Gradu Bihaću uvjerenje o uredno izmirenim javnim prihodima za proteklih 12 mjeseci, te izvještaj i dokaze o utrošenim sredstvima, što će poslužiti kao referenca za buduće programe podrške od strane Grada Bihaća.

Gradonačelnik će sa korisnikom zaključiti poseban ugovor o međusobnim pravima i obavezama vezanim za dodjelu sredstava za sufinansiranje.

Ako korisnik u naredne dvije godine od dana dobivanja sredstava za sufinansiranje, odjavi obavljanje predmetne djelatnosti, dužan je izvršiti povrat odobrenih mu sredstava po osnovu sufinansiranja, a što će se također regulisati Ugovorom između Gradonačelnika i korisnika.

#### **4. Sufinansiranje dijela troškova zakupa poslovnog prostora obrtničkim radnjama (osim trgovina i ugostiteljskih radnji) i preduzećima – d.o.o. koji registriraju djelatnost i firmu na području grada Bihaća – 15.000,00 KM**

4.1. Kriteriji za sufinansiranje dijela troškova zakupa poslovnog prostora

Na ovaj način refundira se dio godišnjih troškova zakupa poslovnog prostora fizičkim i pravnim licima koja registriraju djelatnost i osnuju firmu (kao obrt ili društvo sa ograničenom odgovornošću – d.o.o.) na području grada Bihaća.

Grad Bihać će sufinansirati 20 % ukupnog iznosa godišnje zakupnine, s tim da je maksimalan iznos sufinansiranja 3.000,00 KM.

Pravo na ovu vrstu poticaja imaju fizička i pravna lica koja imaju registriranu djelatnost i osnovanu firmu (kao obrt ili društvo sa ograničenom odgovornošću – d.o.o.) na području grada Bihaća, a svoje poslovne aktivnosti obavljaju u prostorijama po osnovu ugovora o zakupu zaključenog u 2016. godini.

4.2. Sadržaj zahtjeva

Za ostvarivanje poticaja potrebno je uz zahtjev dostaviti i slijedeću dokumentaciju (original ili ovjerene kopije):

- rješenje o registraciji društva sa ograničenom odgovornošću - d.o.o. (Općinski sud u Bihaću), odnosno rješenje o registraciji obrtničke radnje (Služba za opću upravu, privredne i društvene djelatnosti Grada Bihaća);

- dokaz da fizička i pravna lica koja imaju registriranu djelatnost i osnovanu firmu (kao obrt ili društvo sa ograničenom odgovornošću - d.o.o.), nemaju obaveza po osnovu poreza i doprinosa, odnosno da su uredno izmirili obaveze po osnovu javnih prihoda (uvjerenje Poreske uprave, uvjerenje Uprave za indirektno oporezivanje- ukoliko su PDV obveznici);

- ugovor o zakupu poslovnog prostora;

- dokazi o plaćenju zakupnine i porezu.

4.3. Proceduralne radnje / postupanje po zahtjevu

Pravo na ovu vrstu poticaja imaju fizička i pravna lica koja ispunjavaju navedene uvjete i to do iznosa ukupno predviđenih raspoloživih sredstava od 15.000,00 KM, poštujući hronologiju prijema zahtjeva na protokolu Grada.

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

Zahtjevi za refundaciju predmetnih troškova sa potrebnom dokumentacijom podnose se Službi za opću upravu, privredne i društvene djelatnosti putem prijemne kancelarije Grada Bihaća do 31.12.2016. godine.

5. Sufinansiranje razvojnih projekata poduzetništva u zoni Nacionalnog parka "UNA" – 30.000,00 KM

5.1. Očekivani efekti

Očekivani efekti realizacijom ovog vida podsticaja su:

- rast zapošljavanja,
- nove investicije,
- rast lokalne ekonomije,
- afirmacija turizma i NP UNA.

5.2. Kriteriji za dodjelu podsticajnih sredstava za sufinansiranje razvojnih projekata poduzetništva u zoni NP UNA

Pravo na podsticajna sredstva po ovom osnovu imaju ugostiteljske i trgovačke radnje koje su registrirane na području grada Bihaća i koje svoju djelatnost obavljaju na području obuhvata NP UNA.

Cilj realizacije ovog vida podsticajnih sredstava je daljnja afirmacija poduzetništva u zoni NP UNA kao i unapređenja razvojnog projekta NP UNA.

Ovim Kriterijima utvrđuju se opći uvjeti i način sufinansiranja projekata u oblasti poduzetništva u segmentu ugostiteljstva i trgovine u zoni NP UNA.

Dodjela sredstava za sufinansiranje vršit će se nakon provedenog javnog poziva.

Javni poziv za sufinansiranje razvojnih projekata poduzetništva u zoni NP UNA provodi komisija koju imenuje Gradonačelnik.

Komisija će izvršiti ocjenu ponuda na osnovu bodovanja, primjenom slijedećih posebnih kriterija:

A/ Broj radnih mjesta na neodređeno vrijeme

do 1 radnika .....	5 bodova
od 2 - 5 radnika .....	10 bodova
od 6 - 8 radnika .....	15 bodova
preko 8 radnika .....	20 bodova

B/ Planirana dodatna ulaganja u razvoj djelatnosti

do 1.000,00 KM .....	5 bodova
od 1.000,00 - 5.000,00 KM .....	10 bodova
od 5.000,00 - 10.000,00 KM .....	15 bodova
od 10.000,00 - 15.000,00 KM .....	20 bodova
preko 15.000, 00 KM .....	25 bodova

C/ Podizanje kvaliteta poduzetničke ponude

- plasman domaćih proizvoda/usluga .....5 bodova
- unapređenje kategorizacije objekta/djelatnosti .....5 bodova
- kvalitet razvojne koncepcije u narednih 5 godina .....5 bodova
- posjedovanje ekoloških certifikata 5 bodova

Iznosi sufinansiranja projekata, utvrdit će se prema zbiru bodova po osnovu navedenih kriterija / A + B + C/, i to:

- do 20 bodova = 1.500,00 KM
- od 20 - 30 bodova = 3.000,00 KM
- preko 30 bodova = 5.000,00 KM

U slučaju da dva ili više fizičkih ili pravnih lica budu imali isti broj bodova, prvenstvo će imati ono fizičko ili pravno lice koje je ranije podnijelo prijavu na javni poziv.

Ovaj vid poticaja će biti realiziran u periodu juni-juli tekuće godine.

5.3. Proceduralne radnje / postupanje po zahtjevu

Po uredno zaprimljenom zahtjevu ocjenu i mišljenje na osnovu uvjeta i kriterija dat će komisija imenovana od strane Gradonačelnika, poštujući hronologiju prijema na protokolu Grada.

Prednost pri odabiru korisnika imaju oni koji nisu do sada bili korisnici poticajnih sredstava od strane Grada Bihaća.

U slučaju da komisija ocijeni da nisu ispunjeni svi uvjeti za odobravanje sredstava za sufinansiranje razvojnih projekata poduzetništva u zoni NP UNA, Služba za opću upravu, privredne i društvene djelatnosti (u daljem tekstu: Služba) kod neispunjenja uvjeta i kriterija donosi obavijest koju prosljeđuje podnosiocu zahtjeva.

Na osnovu izvještaja o ocjeni i mišljenja komisije Služba će predložiti Gradonačelniku donošenje zaključka o odobravanju finansijskog sufinansiranja za svaki slučaj pojedinačno.

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

Prilikom konkuriranja, odnosno odabira korisnika poticajnih sredstava, ponuđači su dužni voditi računa da objekti, kao i samo obavljanje predmetne djelatnosti, budu u skladu sa zakonima i propisima koji reguliraju oblast zaštite čovjekove okoline, programom rada i uvjetima o radu NP UNA, kao i drugim važećim zakonskim propisima koji reguliraju ovu oblast.

5.4. Sadržaj zahtjeva

Uz zahtjev za sufinansiranje razvojnih projekata poduzetništva u zoni NP UNA, podnosilac dostavlja original ili ovjerenu kopiju:

- Rješenje o upisu subjekta upisa u sudski registar ili rješenje o registraciji ugostiteljske ili trgovačke radnje kod Službe za opću upravu, privredne i društvene djelatnosti Grada Bihaća sa posljednjim promjenama;
- Obavještenje o razvrstavanju pravnog/fizičkog lica prema klasifikaciji djelatnosti;

- Potvrda PIO-a o broju zaposlenika na dan podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu poreza od Uprave za indirektno oporezivanje – ne starije od 60 dana, računajući od dana podnošenja zahtjeva / ukoliko je obveznik PDV-a;
- Uvjerenje o izmirenju ili ugovor o reprogramiranju obaveza po osnovu poreza od Porezne uprave - ne starije od 60 dana, računajući od dana podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu doprinosa od PIO - ne starije od 60 dana, računajući od dana podnošenja zahtjeva;
- Uvjerenje o izmirenju ili ugovor o reprogramiranju obaveza po osnovu doprinosa od Zavoda za zdravstveno osiguranje - ne starije od 60 dana, računajući od dana podnošenja zahtjeva;
- Projekcijski investicioni plan za narednih 5 godina;
- Ekološke certifikate - ukoliko podnosilac iste posjeduje;
- Certifikati o kategorizaciji objekta i djelatnosti-prometa roba/usluga (ukoliko podnosilac iste posjeduje).

#### 5.5. Način reguliranja prava i obaveza

Gradonačelnik će sa korisnikom zaključiti poseban ugovor o međusobnim pravima i obavezama vezanim za dodjelu sredstava za sufinansiranje.

Ako korisnik u naredne tri godine, od dana dobivanja sredstava za sufinansiranje, odjavi obavljanje predmetne djelatnosti, ili odjavi novouposlene, dužan je izvršiti povrat odobrenih mu sredstava po osnovu sufinansiranja, a što će se također regulisati ugovorom između Gradonačelnika i korisnika.

### **6. Sufinansiranje učešća privrednika grada Bihaća na privrednim manifestacijama-5.000,00 KM**

6.1. Kriteriji za sufinansiranje učešća privrednika grada Bihaća na privrednim manifestacijama

Planiranim sredstvima sufinansira se učešće privrednika grada Bihaća na privrednim manifestacijama (sajmovi, izložbe, prezentacije i sl.) u 2016. godini.

Kroz ovaj poticaj nastoji se podstaknuti aktivnije učešće registriranih poslovnih subjekata na domaćim i stranim privrednim manifestacijama,

te na taj način indirektno omogućiti bolje povezivanje poslovnog sektora u zemlji i inozemstvu, što u konačnici rezultira i boljom promocijom privrednih potencijala i raznolike ponude našeg grada.

Korisnici ovog poticaja su poslovni subjekti registrovani na području grada Bihaća, koji imaju potrebu za proširenjem svoje poslovne ponude na svim tržištima u zemlji i inozemstvu, zatim povećanjem obima postojećih poslovnih aktivnosti i uvođenjem tehnoloških i organizacionih promjena u poslovanju.

Pravo na poticaj imaju fizička i pravna lica koja imaju registrovanu proizvodnu djelatnost i osnovanu firmu kao obrtničku radnju (osim trgovina i ugostiteljskih radnji) ili kao društvo sa ograničenom odgovornošću – d.o.o. na području grada Bihaća u 2016. godini.

#### 6.2. Sadržaj zahtjeva

Uz zahtjev za sufinansiranje učešća privrednika grada Bihaća na privrednim manifestacijama podnosilac dostavlja original ili ovjerenu kopiju:

- Rješenje o upisu subjekta upisa u sudski registar ili rješenje o registraciji obrtničke radnje kod Službe za opću upravu, privredne i društvene djelatnosti Grada Bihaća sa posljednjim promjenama;
- Obavještenje o razvrstavanju pravnog/fizičkog lica prema klasifikaciji djelatnosti;
- Uvjerenje o izmirenju ili ugovor o reprogramiranju obaveza po osnovu poreza od Uprave za indirektno oporezivanje - ne starije od 60 dana, računajući od dana podnošenja zahtjeva/ ukoliko je obveznik PDV-a.

#### 6.3. Proceduralne radnje / postupanje po zahtjevu

Zahtjeve za sufinansiranje sa obrazloženjem pravna i fizička lica podnose Službi za opću upravu, privredne i društvene djelatnosti, putem prijemne kancelarije Grada Bihaća do 31.12.2016. godine.

Grad Bihać sufinansira učešće privrednika grada Bihaća na privrednim manifestacijama do iznosa ukupno predviđenih raspoloživih sredstava od 5.000,00 KM i to jednokratno, u iznosu koji odredi Gradonačelnik svojim zaključkom.



U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

## **7. Sufinansiranje promocije starih tradicionalnih zanata i obrta – 30.000,00 KM**

### **7.1. Kriteriji za sufinansiranje promocije starih tradicionalnih zanata i obrta**

Na ovaj način sufinansira se promocija i očuvanje starih tradicionalnih zanata i obrta na području grada Bihaća.

Cilj ovog poticaja je isključivo finansijska podrška očuvanju i razvoju starih tradicionalnih zanata i obrta, te povećanje održivosti obrtničkih radnji i tradicionalnih starih obrta. Sredstva za poticaje mogu ostvariti fizička lica koja imaju registriranu obrtničku radnju, te tradicionalni stari obrt na području grada Bihaća u Službi za opću upravu, privredne i društvene djelatnosti.

Dodjela sredstava za sufinansiranje, vršit će se nakon provedenog javnog poziva.

Javni poziv za sufinansiranje promocije starih tradicionalnih zanata i obrta provodi komisija koju imenuje Gradonačelnik.

U slučaju da dva ili više fizičkih lica budu imali isti broj bodova, prvenstvo će imati ono fizičko lice koje je ranije podnijelo prijavu na javni poziv.

Ovaj vid poticaja će biti realiziran u periodu august-septembar tekuće godine.

### **7.2. Proceduralne radnje/postupanje po zahtjevu**

Po uredno zaprimljenom zahtjevu ocjenu i mišljenje, na osnovu uvjeta i kriterija utvrđenih posebnim uputstvom, dat će komisija, poštujući hronologiju prijema na protokolu Grada.

Uputstvo o utrošku sredstava iz Budžeta Grada Bihaća za sufinansiranje promocije starih tradicionalnih zanata i obrta za 2016. godinu donosi Gradonačelnik u roku od 7 (sedam) dana od dana objavljivanja javnog poziva.

Prednost pri odabiru korisnika imaju oni koji nisu do sada bili korisnici poticajnih sredstava od strane Grada Bihaća.

U slučaju da komisija ocijeni da nisu ispunjeni svi uvjeti za odobravanje sredstava za sufinansiranje, Služba za opću upravu, privredne i

društvene djelatnosti (u daljem tekstu: Služba), kod neispunjenja uvjeta i kriterija, donosi obavijest koju prosljeđuje podnosiocu zahtjeva.

Na osnovu izvještaja o ocjeni i mišljenja Komisije Služba će predložiti Gradonačelniku donošenje zaključka o odobravanju finansijskog sufinansiranja za svaki slučaj pojedinačno.

U slučaju da se sva predviđena sredstva ne iskoriste za ovu namjenu, neiskorišteni dio bit će prestrukturiran također u vidu poticaja po drugim vidovima, što će se aktom Gradonačelnika posebno regulirati.

### **7.3. Sadržaj zahtjeva**

Uz zahtjev za sufinansiranje promocije starih tradicionalnih zanata i obrta, podnosilac dostavlja original ili ovjerenu kopiju:

- važeće rješenje-odobrenje za obavljanje obrta/tradicionalnog starog obrta, izdato od strane Službe za opću upravu, privredne i društvene djelatnosti Grada Bihaća sa posljednjim promjenama;
- Obavještenje o razvrstavanju fizičkog lica prema klasifikaciji djelatnosti, izdato od strane Federalnog zavoda za statistiku - Kantonalni ured u Bihaću;
- dokaz da fizičko lice-obrtnik nema obaveza po osnovu poreza i doprinosa, odnosno da je uredno izmirio obaveze po osnovu javnih prihoda (uvjerenje Porezne uprave Bihać i uvjerenje Uprave za indirektno oporezivanje-ukoliko su PDV obveznici).

### **7.4. Način reguliranja prava i obaveza**

Gradonačelnik će sa korisnicima poticajnih sredstava zaključiti poseban ugovor o međusobnim pravima i obavezama vezanim za dodjelu sredstava za sufinansiranje.

Ako korisnik u naredne dvije godine od dana dobivanja sredstava za sufinansiranje, odjavi obavljanje predmetne djelatnosti, dužan je izvršiti povrat odobrenih mu sredstava po osnovu sufinansiranja, a što će se također regulisati ugovorom između Gradonačelnika i korisnika.

## **8. Sufinansiranje promotivno-privrednih manifestacija – 8.000,00 KM**

Na ovaj način sufinansiraju se promotivno-privredne manifestacije grada Bihaća, za čije održavanje su obezbijedena sredstva u Budžetu Grada Bihaća za 2016. godinu i to:



načinu pokriva viška rashoda iskazanom po završnom računu za 2015. godinu.

## II

Ovaj Zaključak je sastavni dio Odluke Upravnog odbora broj 104/2016. od 16.02.2016. godine

## III

Zaključak stupa na snagu danom donošenja, a objavit će se u Službenom glasniku Grada Bihaća.

Broj: GV-02-3380/16 19. maja 2016. godine B i h a ć	Zamjenica predsjedavajućeg Gradskog vijeća Amra Čehajić, s.r.
---	---

## 156.

Na osnovu člana 35. tačka kk Statuta Grada Bihaća ("Službeni glasnik Grada Bihaća" broj 13/15), a u vezi sa članom 132. tačka b) Poslovnika Gradskog vijeća Bihać ("Službeni glasnik Grada Bihaća" broj 3/16) Gradsko vijeće Bihać, na 23. sjednici održanoj dana 19.05.2016. godine, donosi

## ZAKLJUČAK

### O USVAJANJU IZVJEŠTAJA O RADU I POSLOVANJU JU STANOUPRAVA BIHAĆ ZA 2015. GODINU

#### I

Usvaja se Izvještaj o radu i poslovanju JU Stanouprava Bihać za 2015. godinu usvojen Odlukom Upravnog odbora broj: 527/16 od 25.02.2016. godine.

#### II

Ovaj Zaključak stupa na snagu danom donošenja, a objavljuje se u Službenom glasniku Grada Bihaća.

Broj: GV-14-3379/16 19. maja 2016. godine B i h a ć	Zamjenica predsjedavajućeg Gradskog vijeća Amra Čehajić, s.r.
---	---

## 157.

Na osnovu člana 35. tačka c) Statuta Grada Bihaća ("Službeni glasnik Grada Bihaća", broj 13/15) i člana 132. tačka b) Poslovnika Gradskog

vijeća Bihać ("Službeni glasnik Grada Bihaća", broj 3/16) Gradsko vijeće Bihać, na 23. sjednici održanoj dana 19.05.2016. godine, donosi

## ZAKLJUČAK

### O PRIHVATANJU ODLUKE UPRAVNOG ODBORA JU "STANOUPRAVA" BIHAĆ ZA 2015. GODINU

#### I

Prihvata se prijedlog Odluke Upravnog odbora JU "Stanouprava" Bihać broj 527/16 od 25.02.2016. godine o načinu pokriva viška rashoda iskazanom po završnom računu za 2015. godinu.

#### II

Ovaj Zaključak je sastavni dio Odluke Upravnog odbora broj 527/16 od 25.02.2016. godine.

#### III

Zaključak stupa na snagu danom donošenja, a objavit će se u Službenom glasniku Grada Bihaća.

Broj: GV-02-3372/16 19. maja 2016. godine B i h a ć	Zamjenica predsjedavajućeg Gradskog vijeća Amra Čehajić, s.r.
---	---

## 158.

Na osnovu člana 35. tačka kk) Statuta Grada Bihaća ("Službeni glasnik Grada Bihaća" broj 13/15) i člana 132. tačka b) Poslovnika Gradskog vijeća Bihać ("Službeni glasnik Grada Bihaća" broj 3/16) Gradsko vijeće Bihać, na 23. sjednici održanoj dana 19.05.2016. godine, donosi

## ZAKLJUČAK

### O USVAJANJU IZVJEŠTAJA O RADU I POSLOVANJU JU KULTURNI CENTAR BIHAĆ ZA 2015. GODINU

#### I

Usvaja se Izvještaj o radu i poslovanju JU Kulturni centar Bihać za 2015. godinu, usvojen odlukom Upravnog odbora broj 104/16-1 od 29.03.2016. godine.

#### II

Ovaj Zaključak stupa na snagu danom donošenja i objavljuje se u Službenom glasniku Grada Bihaća.

Broj: GV-02-3373/16 19. maja 2016. godine B i h a ć	Zamjenica predsjedavajućeg Gradskog vijeća Amra Čehajić, s.r.
---	---





- odlučuju o izboru i razrješenju članova Odbora za reviziju

- odlučuju o osnivanju, reorganizaciji i likvidaciji supsidijarnih društava i odobravanju njihovih statuta

- odlučuju o naknadama članovima Nadzornog odbora i Odbora za reviziju

- odlučuju o poslovnica o radu Skupštine, Nadzornog odbora i Odbora za reviziju na prijedlog Nadzornog odbora

- odlučuju o donošenju trogodišnjeg plana poslovanja, odnosno revidiranog plana poslovanja u skladu sa članom 23. Zakona o javnim preduzećima u Federaciji Bosne i Hercegovine, godišnjeg plana poslovanja, te trajnoj poslovnoj saradnji, uz saglasnost Osnivača

- odlučuju o ostvarivanju zahtjeva Društva prema članovima Uprave i Nadzornog odbora u vezi sa naknadom štete nastale u vođenju poslovanja Društva

- odlučuju o zastupanju Društva u sudskim postupcima koji se vode protiv članova Uprave Društva ili eventualnim postupcima protiv članova drugih organa Društva

- odlučuju o promjeni firme, znaka, sjedišta i promjeni, odnosno proširenju djelatnosti, uz saglasnost Osnivača

- odlučuju o izuzimanju stalnih sredstava, uz saglasnost Osnivača

- odlučuju o drugim pitanjima utvrđenim zakonom i Statutom.

#### IV

Prije odlučivanja u Skupštini o pitanjima iz tačke III ovog Rješenja članovi Skupštine dužni su pribaviti mišljenje Gradonačelnika.

Izuzetno, članovi Skupštine mogu punopravno odlučivati ukoliko do sjednice Skupštine nisu dobili traženo mišljenje.

#### V

Pribavljanje mišljenja vrši se pismeno najkasnije 7 (sedam) dana prije održavanja sjednice Skupštine, a u izuzetnim slučajevima, ako se to ocijeni opravdanim, usmenim putem.

#### VI

Članovi Skupštine JP "Veterinarska stanica" d.o.o. Bihać imaju obavezu da Gradskom vijeću Bihać, najmanje jedanput godišnje, podnesu izvještaj o radu i poslovanju Društva.

#### VII

Članovima Skupštine JP "Veterinarska stanica" d.o.o. Bihać za rad u Skupštini pripada naknada, čiju visinu utvrđuje Gradsko vijeće posebnim aktom.

#### VIII

Članovima Skupštine JP "Veterinarska stanica" d.o.o. Bihać prestaje članstvo u Skupštini na način utvrđen Statutom JP "Veterinarska stanica" d.o.o. Bihać.

#### IX

Rješenje stupa na snagu danom donošenja a objavljuje se u Službenom glasniku Grada Bihaća.

Broj: GV-05-3377/16      Zamjenica predsjedavajućeg  
19. maja 2016. godine      Gradskog vijeća  
B i h a ć      Amra Čehajić, s.r.

### 164.

Na osnovu člana 27. stav (1) tačka đ) Zakona o lokalnoj samoupravi Unsko-sanskog kantona ("Službeni glasnik Unsko-sanskog kantona", broj: 8/11) i člana 52. stav (1) tačka m) Statuta Grada Bihaća ("Službeni glasnik Grada Bihać", broj: 13/15), Gradonačelnik Grada Bihaća, donosi

## PRAVILNIK

### O IZMJENAMA PRAVILNIKA O UNUTRAŠNJOJ ORGANIZACIJI

#### Član 1.

U Pravilniku o unutrašnjoj organizaciji ("Službeni glasnik Općine Bihać", br. 9/13, 10/13, 11/13, 12/13, 14/13, 1/14, 4/14, 5/14, 7/14, 8/14) i ("Službeni glasnik Grada Bihaća", br.2/15, 4/15, 5/15, 12/15 i 14/15) u članu 117. stav (1) tačka h) mijenja se i glasi: " h) Broj izvršilaca: 2 (dva)".

#### Član 2.

U članu 118. stav (1) tačka h) mijenja se i glasi: "h) Broj izvršilaca: 1 (jedan)".

**Član 3.**

U članu 187. stav (1) tačka b) alineja 1) mijenja se i glasi: “1) diploma visokog obrazovanja-VII stepen pravne, ekonomske, mašinske, politološke, poljoprivredne, žurnalističke i drvne struke ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studija pravne, ekonomske, mašinske, politološke, poljoprivredne, žurnalističke i drvne struke”.

**Član 2.**

Ovaj Pravilnik stupa na snagu danom donošenja, a objavit će se u Službenom glasniku Grada Bihaća.

Broj: 01-02-3290/16  
17. maja 2016. godine  
B i h a ć

Gradonačelnik  
mr. sci. **Emdžad Galijašević**, s.r.

## S A D R Ź A J

<b>147.</b> Odluka o prodaji zemljišta neposrednom pogodbom JP Elektroprivreda BiH d.d. Sarajevo Podružnica "Elektrodistribucija" Bihać radi oblikovanja građevinske parcele	431	<b>153.</b> Program poticaja privredi za 2016. godinu	439
<b>148.</b> Odluka o plaćama i naknadama zaposlenika gradskih organa Grada Bihaća	432	<b>154.</b> Zaključak o usvajanju Izvještaja o radu i poslovanju JU za sport, odmor i rekreaciju Bihać za 2015. godinu	448
<b>149.</b> Odluka o davanju saglasnosti na prenos Ugovora o koncesiji za istraživanje i eksploataciju krečnjaka na ležištu "Pritoka" sa privrednog društva "IKIĆ-COMERC" d.o.o. Bihać na privredno društvo "ČIKI company" d.o.o. Bihać	437	<b>155.</b> Zaključak o prihvatanju Odluke Upravnog odbora JU za sport, odmor i rekreaciju Bihać za 2015. godinu	448
<b>150.</b> Odluka o utvrđivanju javnog interesa za nepotpunu eksproprijaciju nekretnina ustanovljenjem služnosti radi izgradnje dijela niskonaponske mreže "Golubički put 2" Grad Bihać u korist JP Elektroprivreda BiH d.d. Sarajevo Podružnica "Elektrodistribucija" Bihać	438	<b>156.</b> Zaključak o usvajanju Izvještaja o radu i poslovanju JU Stanouprava Bihać za 2015. godinu	449
<b>151.</b> Odluka o utvrđivanju javnog interesa za nepotpunu eksproprijaciju nekretnina ustanovljenjem prava služnosti u svrhu izgradnje elektroenergetskog objekta niskonaponske mreže «Ahmići» Grad Bihać u korist JP Elektroprivreda BiH d.d. Sarajevo Podružnica "Elektrodistribucija" Bihać	438	<b>157.</b> Zaključak o prihvatanju Odluke Upravnog odbora JU "Stanouprava" Bihać za 2015. godinu	449
<b>152.</b> Odluka o izmjeni Odluke o ustanovljenju prava stvarnih služnosti na građevinskom zemljištu radi izgradnje zračnog DV 10(20)kV za ST 10(20)/0,4 kV "Zavalje 2" sa upotrebom univerzalnog kabla AXCES 3x70/16 mm <sup>2</sup> , izmještanje STS-B 10(20)/0,4 "Zavalje 1" i izgradnja STS-B 10(20)/0,4 kV "Zavalje 2" u naselju Zavalje grad Bihać po zahtjevu JP Elektroprivreda Bosne i Hercegovine d.d. Sarajevo podružnica "Elektrodistribucija" Bihać.	439	<b>158.</b> Zaključak o usvajanju Izvještaja o radu i poslovanju JU Kulturni centar Bihać za 2015. godinu	449
		<b>159.</b> Zaključak o davanju saglasnosti na Izvještaj o radu i poslovanju JKP "Komrad" d.o.o. Bihać za 2015. godinu	450
		<b>160.</b> Zaključak o davanju saglasnosti na Odluku o rasporedu neto dobiti JKP "Komrad" d.o.o. Bihać za 2015. godinu	450
		<b>161.</b> Zaključak o davanju saglasnosti na Izvještaj o radu i finansijski izvještaj skloništa za napuštene životinje (Azil) za 2015. godinu	450
		<b>162.</b> Rješenje o opozivu ovlaštenja predstavnicima Osnivača sa ovlaštenjima Skupštine JP "Veterinarska stanica" d.o.o. Bihać	451
		<b>163.</b> Rješenje o imenovanju predstavnika Osnivača sa ovlaštenjima Skupštine JP "Veterinarska stanica" d.o.o. Bihać	451
		<b>164.</b> Pravilnik o izmjenama Pravilnika o unutrašnjoj organizaciji	452